

أوعي يا صاحبي يغرك جاه أو مال واللاً الشيطان يغريك
خلي إستقامتك دليلك رزقك يجيك ربك من وسع يعطيك
أنا أحب أشوفك مستقيم بعيد عن العيبه عن أي شيء يأذك
أديني ورقة وقلم أكتب لك يا صاحبي مثل قالهولي أبويا زمان
يابني إستقامتك وسلامتك إمشي ف طريقك عدل يحتر عدوك فيك

اصحي يا مستقيم .: يا بو القلب السليم
وأرق من النسيم .: وسيرتك أبها

...

لا سمعنا إنك سرقت .: نصبت او نهبت
قتلت واتحاكمت .: وتأبيده خذنها

...

لا عملت شيء مشين .: أمثال الواد حسين
عشان إنسان أمين .: كرامتك صننتها

...

بعيد عن الندامة .: عديت بر السلامة
وعشقت الغستقامة .: وبقيت من أهلها

...

واصحي يا مستقيم
ووجد العظيم

زناتي المسحراتي

اصحي يا شيخ إمام .: بمناسبة الصيام
إسمع أجمل كلام .: ع المرأ لو إستقام
وتاب عن الذنوب

...

يقبل توبته ربّه .: يقف بعنايته جنبه
التقوي تملأ قلبه .: وكل الناس تحبه
م الشرق للجنوب

...

وعباده اللي إستقامو .: وصلوا كمان وصامو
وسهروا الليل ما نامو .: في بحور التقوي ها هو
بالروح وبالقلوب

...

واصحي يا شيخ حسين
ووجد المعين

...

واصحي يا بو النجا .: أنا جاي للأهن آجا
حتسب الباطلة .: وحتمشي مستقيم

...

عشان تضمن سلامتك .: وتتهني بإستقامتك
بتمني تكون نهايتك .: في جنة النعيم

...

زناتي المسحراتي

م غلظت ألف نوبه .: يا عم كفاية توبه
خليك بن العروبة .: المؤمن العظيم

...

اللي إستقامته ذاته .: والنابعة من حياته
وغايته وأمنياته .: ينول رضا الكريم

...

واصحي يا شيخ سليم

ووحده العظيم

...

اصحي يا سلامة .: يا رمز لستقامه
والعزة والكرامة .: والتوبة ولعتدال

...

ابن بلد تمام .: لا حق تستقام
عشان ابن الكرام .: من أحسن الرجال

...

جايب لك إيه معايا .: حلاوة الهدايا
السبحه والعصايا .: وكسوة العيال

...

وبعون الله تعالى .: الهادي ذو الجلالة
حفتح لك البقاله .: وتاكل من حلال

...

واصحي للحلال

ووحده ذو الجلال

أحب أشوفك يا صاحبي بعيد عن طريق الإنحراف والشر
تمشي ف طريق السلامة من غير قيود أو مذلة في طريقك حر
وتكون مثال لستقامة لا تصغر مخلوق ولا انت كمان تنضر
ده ياما ناس قبلك يا صاحبي عادوا للصواب من أوسع الأبواب
بعد مارسيت مراكبهم التايهه علي أجمل واشرف بر

